

VIÐBRAGÐSÁÆTLUN ALMANNAVARNA

Leikskólinn Sunnuhvoll



Almannavarnadeild
ríkislögreglustjórans

Sóttvarnalæknir

Menntamálaráðuneyti

Efnisyfirlit

1. <i>Inngangur að viðbragðsáætlun</i>	3
2. <i>Heimsfaraldur</i>	4
3. <i>Háskastig almannavarna</i>	5
4. <i>Virkjun viðbragðsáætlana skóla</i>	9
5. <i>Stjórnun og lykilstarfsmenn skólans</i>	10
6. <i>Starfssvæði skólans og umfang</i>	11
7. <i>Áhættumat vegna heimsfaraldurs</i>	12
8. <i>Viðbragðsáætlun Sunnuhvols við heimsfaraldri</i>	13
9. <i>Samskiptaleiðir</i>	17
Boðun.....	17
Afboðun	17
Tengiliðir í leikskólanum:	17

1. Inngangur að viðbragðsáætlun

Viðbragðsáætlun þessi segir fyrir um skipulag og stjórn aðgerða í leikskólanum Sunnuhvoli í samræmi við áætlun Almannafræðis um viðbrögð við heimsfaraldri.

Markmið viðbragðsáætlana skóla eru að tryggja skipulögð og samræmd viðbrögð allra skólastofnana sem og starfsmanna þeirra þegar til faraldurs kemur.

Við gerð áætlunarinnar er meðal annars stuðst við lög um almannavarnir nr. 82/2008 og lög um sóttvarnir nr. 19/1997.

Áætlunin er í samræmi við Landsáætlun vegna heimsfaraldurs.

Viðbragðsáætlunir skóla hafa samræmda uppbyggingu. Kaflar 2, 3, 4 og 7 eru sameiginlegir og geyma almennar upplýsingar frá menntamálaráðuneyti, almannavarnadeild ríkislögreglustjóra og embætti sóttvarnalæknis. Aðra kafla semja skólarnir sjálfir og mynda þeir hina eiginlegu viðbragðsáætlun hvers skóla.

Ábyrgð á áætlun þessari er í höndum leikskólastjóra Sunnuhvols. Áætlunin verður endurskoðuð á a.m.k. fimm ára fresti, en yfirfarin árlega t.d. hvað varðar boðleiðir, gátlista og starfssvæði skóla. Ef miklar breytingar verða á starfsemi skólans verður áætlunin þegar í stað endurskoðuð.

Áætlunin verður kynnt fyrir starfsmönnum skólans, nemendum og forráðamönnum ólöggráða nemenda. Hún er aðgengileg á heimasíðu leikskólans, sunnuhvoll.is og hjá leikskólastjóra.

Áætlun þessi tekur þegar gildi.

Reykjavík 2. september 2009

Endurskoðuð 8. mars 2020

Guðrún Brynjólfsdóttir, leikskólastjóri

2. Heimsfaraldur

Saga heimsfaraldra

Allt frá 16. öld hafa heimsfaraldrar riðið yfir heiminn að minnsta kosti tvisvar til þrisvar á öld. Á 20. öldinni riðu þrjú heimsfaraldrar inflúensu yfir. Sá fyrsti geisaði 1918 og var afar mannskæður. Hann var nefndur spænska veikin en talið er að 50-100 milljón manns hafi látið lífið af hans völdum. Hinir tveir heimsfaraldrarnir riðu yfir 1957 og 1968 en ollu mun minna manntjóni. Á Íslandi gekk spænska veikin á suðvesturhluta landsins á tímabilinu frá október til desember 1918 en áður hafði væg sumarinflúensa gengið yfir 1918. Spænska veikin hófst í ágúst í Evrópu og Norður-Ameríku.

Talið er að um 60% Reykvíkinga hafi veikst af spænsku veikinni og að allt að 500 manns látist á landinu öllu. Íslendingar geta dregið nokkurn lærdóm af reynslu þjóðarinnar frá þeim tíma. Til að hindra útbreiðslu veikinnar voru settar ferðatakmarkanir og lokað var fyrir umferð um Holtavörðuheði og einnig yfir Mýrdalssand. Með þessu tókst að hindra að veikin bærist til Norðurlands og Austurlands en til Vestfjarða barst hún með skipum.

Nú á síðustu árum höfum við upplifað nokkra heimsfaraldra og er nýjasti faraldurinn, COVID-19. Þessi stofn á upptök sín í Kína og hefur breiðst nokkuð hratt út um heimsbyggðina og mikilvægt að við á Íslandi séum með viðbúnað og tilbúinn að takast á við þessa vá.

Viðbragðsáætlanir skulu vera í samræmi við Landsáætlun vegna heimsfaraldurs sem undirrituð var 5. mars 2020 og er að finna á www.almannavarnir.is og www.landlaeknir.is

Markmið viðbragðsáætlunar hvers skóla

Viðbragðsáætlun vegna heimsfaraldurs miðar að því að lágmarka áhrif faraldurs og afleiðingar hans innan skólans með því að:

- Skilgreina mikilvæga verkþætti menntastofnunar og lykilstarfsmenn og staðgengla.
- Draga úr útbreiðslu faraldurs á vinnustaðnum og lágmarka smithættu.
- Styrkja nauðsynlega starfsemi og treysta innviði skólans.
- Upplýsa starfsmenn, nemendur og foreldra.
- Veita nauðsynlega fræðslu.
- Eiga til samræmdar áætlanir vegna hugsanlegs samkomubanns og þar með lokunar skóla.

3. Háskastig almannavarna

Almannavarnastig

Viðbragðsáætlunum almannavarna er skipt í þrjú stig sem skilgreina alvarleika þess ástands sem steðjar að. **Háskastigin eru: Óvissustig, hættustig og neyðarstig.**

Til þess að gefa til kynna umfang almannavarnaviðbragða, þ.e. fjölda þeirra eininga sem virkjaðar eru í þágu almannavarna í hvert sinn, þörf fyrir víðtæka samhæfingu og fjölda stjórnstiga er hægt að skilgreina umfang á hverju almannavarnastigi með litum sem hér segir:

- **Grænt**

Atburði er sinnt af fáum viðbragðsaðilum.

- **Gult**

Alvarlegur atburður og sinnt af mörgum viðbragðsaðilum.

- **Rautt**

Mjög umfangsmikill atburður á mörgum svæðum.

- **Svart**

Þjóðarvá - hamfarir eða atburðir sem hafa áhrif á mörg umdæmi á sama tíma.

Með hliðsjón af þessu taka sóttvarnalæknir og ríkislögreglustjóri ákvörðun um umfang aðgerða hverju sinni og upplýsa viðbragðsaðila.

Óvissustig

Athuganir, mælingar, hættumat

Skilgreining:

Nýr undirflokkur veiru greinist í mönnum en sýking milli manna er ekki þekkt nema í undantekningartilfellum og þá við mjög náið samband.

Ráðstafanir ákveðnar af ríkislögreglustjóra og sóttvarnalækni með hliðsjón af alvarleika faraldurs.

1. Samráð / samstarf er við mikilvæg erlend samtök og stofnanir.
2. Samráð / samstarf milli innlendra stofnana, samtaka, fyrirtækja og félaga.
3. Skráning upplýsinga um staði þar sem sýking (H5N1? – önnur sýking?) hefur komið upp.
4. Athugun á birgðastöðu matar, lyfja og annarrar nauðsynjavöru.
5. Athugun á boðleiðum, fjarskiptum og fleiru þess háttar.
6. Æfingar, almannavarnaæfing, minni æfingar innan stofnana og / eða hjá aðilum, sem hafa sameiginleg verkefni.

Viðbúnaður vegna hættu

Skilgreining:

1. Engin staðfest sýking hérlandis.
2. Litlar hópsýkingar af völdum nýs undirflokks veirunnar brjótast út hjá mönnum á takmörkuðu svæði en veiran virðist ekki hafa lagað sig vel að mönnum.
3. Umtalsverðar hópsýkingar brjótast út hjá mönnum en þær eru enn staðbundnar. Vísendingar eru um að veiran aðlagist mönnum í vaxandi mæli en þó ekki þannig að umtalsverð hætta sé á heimsfaraldri.

Ráðstafanir ákveðnar af ríkislögreglustjóra og sóttvarnalækni með hliðsjón af alvarleika faraldurs.

1. Ráðstafanir gerðar til að koma í veg fyrir að sýktir einstaklingar komi til Íslands.
2. Komi fólk frá sýktum svæðum til Íslands fer fyrsta læknisrannsókn fram í flughöfnum (Keflavík) og höfnum.
3. Söfnun og úrvinnsla faraldursfræðilegra upplýsinga.
4. Hugsanlega loka einhverjum höfnum / flugvöllum.
5. Heimasóttkví hugsanlega beitt gegn þeim sem eru einkennalausir en gætu hafa smitast.
6. Skip hugsanlega sett í sóttkví.
7. Skipulögð dreifing / taka fyrirbyggjandi lyfja meðal áhættuhópa íhuguð.
8. Athuga með heimköllun Íslendinga frá svæðum þar sem hópsýkingar af völdum nýs stofns veiru hafa brotist út.

Neyðarstig

Neyðaraðgerðir vegna atburða

Skilgreining:

1. Stofn veirunnar hefur fundist í einum eða fleiri einstaklingum hérlandis eða heimsfaraldri hefur verið lýst yfir. Vaxandi og viðvarandi útbreiðsla smits meðal manna.

Ráðstafanir ákveðnar af ríkislögreglustjóra og sóttvarnalækni með hliðsjón af alvarleika faraldurs.

1. Viðbragðskerfi að fullu virkjað.
2. Fólk með undirliggjandi sjúkdóma ber ábyrgð á heilsu sinni og viðbrögðum í samráði við sinn lækni.
3. Skólar munu halda uppi starfsemi eins lengi og unnt er.
4. Markmið er að starfsmenn skóla haldi áfram störfum þó nemendur eða starfsfólk sé sent heim vegna sóttvarnaráðstafana.
5. Samkomubann, lokun skóla o.fl.

Skammstafanir og orðskýringar

AR	Sýkingartíðni
AVD	Almannavarnadeild
AVN, Av-nefnd	Almannavarnanefnd
CDC	Sóttvarnastofnun Bandaríkjanna
CFR	Dánarhlutfall sjúkdóms
ECDC	Sóttvarnastofnun Evrópusambandsins
ESB	Evrópusambandið
LL	Landlæknisembættið
RLS	Ríkislögreglustjórinn
RÚV	Ríkisútvarpið
SST	Samhæfingarstöðin, Skógarhlíð
SVL	Sóttvarnalæknir
WHO	Alþjóðaheilbrigðismálastofnunin

DMR	Dómsmálaráðuneyti
HBR	Heilbrigðisráðuneyti
MRN	Menntamálaráðuneyti

Sóttvarnaráðstafanir

Heilbrigðisráðherra kveður á um **samkomubann** samkvæmt tillögu sóttvarnalæknis (sbr. 12. gr. sóttvarnalaga nr. 19/1997). Almannavarnadeild ríkislögreglustjóra sér um framkvæmd samkomubanns í samvinnu við dómsmálaráðuneyti og lögreglustjóra. Í samkomubanni felst að fjöldasamkomur eru óheimilar, s.s. fundarhöld, skólastarf, skemmtanir á borð við dansleiki, leiksýningar og reglulegar guðsþjónustur. Samkomubann er sett samkvæmt nánari fyrirmælum sóttvarnalæknis. Þegar ekki eru lengur forsendur fyrir samkomubanni afléttir heilbrigðisráðherra því samkvæmt tillögu sóttvarnalæknis.

Heilbrigðisráðherra er heimilt að fenginni tillögu sóttvarnalæknis að **takmarka ferðafrelsi** manna með því að grípa til afkvíunar byggðarlaga og landsins alls og sóttkví/einangrunar sýktra manna, sbr. 12. gr. sóttvarnalaga nr. 19/1997. Sóttvarnalæknir gefur fyrirmæli um nánari tilhögun takmarkana á ferðafrelsi. Almannavarnadeild sér um framkvæmd þessara ráðstafana í samvinnu við dómsmálaráðuneyti og lögreglustjóra.

Háskastig WHO

Alþjóðaheilbrigðisstofnunin (WHO) í samvinnu við sóttvarnastofnanir í Bandaríkjunum (CDC) og Evrópu (ECDC) ásamt framkvæmdastjórn ESB hafa með sér náið samstarf við að fylgjast með og meta stöðuna. Íslendingar fá upplýsingar frá WHO og hafa jafnframt nána samvinnu við ECDC og ESB um vöktun og viðbrögð.

Í stigaskipan WHO er gert ráð fyrir þremur skeiðum í heimsfaraldri; *skeið á milli heimsfaraldra*, *viðvörunarskeiði* og *skeiði heimsfaraldurs*. Innan hvers skeiðs eru skilgreind mismunandi stig og eru þau sex talsins.

Stig WHO segja meira til um útbreiðslu frekar en alvarleika sýkingar. Stig 6, *skeið heimsfaraldurs*, getur verið vaxandi útbreiðsla á vægri influensu. Viðbragðsáætlun ráðuneyta gegn heimsfaraldri er

gerð með háskastig almannavarna til hliðsjónar en stigaskipan WHO er mikið notuð í fjölmiðlum og er sett hér fram til skýringar.

Háskastig WHO	
Stig heimsfaraldurs	Markmið aðgerða
<p>Skeið milli heimsfaraldrá</p> <p>Stig 1. Enginn nýr veirustofn hefur greinst í mönnum.</p> <p>Stig 2. Enginn nýr stofn inflúensuveiru hefur greinst í mönnum. Stofn inflúensuveiru geisar í dýrum og talinn geta ógnað mönnum.</p> <p>Viðvörðunarskeið</p> <p>Stig 3. Nýr stofn inflúensuveiru hefur greinst í mönnum en ekki er vitað til þess að hann berist manna á milli nema í undantekningartilfellum og þá við mjög náíð samband manna.</p> <p>Stig 4. Litlar hópsýkingar brjótast út hjá mönnum á takmörkuðu svæði af völdum nýs stofns inflúensu en hann virðist ekki hafa lagað sig vel að mönnum.</p> <p>Stig 5. Umtalsverðar hópsýkingar brjótast út hjá mönnum en þær eru enn staðbundnar. Vísbendingar eru um að veiran hafi í vaxandi mæli aðlagast mönnum, þó ekki í þeim mæli að umtalsverð hætta sé á heimsfaraldri.</p> <p>Skeið heimsfaraldurs</p> <p>Stig 6. Heimsfaraldur: Vaxandi og viðvarandi útbreiðsla smits á meðal manna.</p>	<p>Styrkja viðbúnað við heimsfaraldri.</p> <p>Lágmarka hættu á smiti, uppgötva og tilkynna slík smit án tafar.</p> <p>Tryggja hraða greiningu á nýjum stofni veirunnar. Greina tilfelli fljótt og tilkynna þau án tafar. Hröð viðbrögð við fleiri tilfellum.</p> <p>Halda nýjum stofni innan afmarkaðs svæðis/uppsprettu eða seinka útbreiðslu og vinna tíma til að bregðast við (bóluefni ofl.).</p> <p>Hámarksáhersla er lögð á að koma í veg fyrir eða seinka útbreiðslu og, ef mögulegt, afstýra heimsfaraldri og vinna tíma til að hrinda í framkvæmd sóttvarnaráðstöfunum.</p> <p>Draga úr afleiðingum heimsfaraldurs eins og unnt er.</p>

4. Virkjun viðbragðsáætlana skóla

Sóttvarnalæknir tilkynnir breytingar á háskastigi (sjá nánar um stig í kafla 3).

Breyttur viðbúnaður í skólum

Tilkynntar breytingar á háskastigi sem kalla á sérstök viðbrögð skóla á tilteknu sóttvarnasvæði eða landinu öllu verða staðfestar af menntamálaráðuneytinu með tilkynningu í fjölmiðlum og á heimasíðu þess www.menntamalaraduneyti.is og eftir atvikum með tölvupósti til skólastjórnenda og sveitarfélaga.

Viðbúnaður í einstökum skólum. Til þess getur komið að gera verði breytingar á skólahaldi í einstökum skólum án þess að tilkynnt hafi verið um breytt háskastig, t.d. vegna mikilla forfalla. Skólastjórnendur bera ábyrgð á slíkum breytingum með hefðbundnum hætti. Eðlilegt er að haft sé samráð við sóttvarnalækni á svæði skóla áður en veigamiklar breytingar á skólahaldi vegna veirusýkinga eru ákveðnar.

Afboðun. Þeir þættir viðbragðsáætlana skóla sem virkjaðir eru skulu ekki aflagðir fyrir en formleg boðun um það kemur frá yfirvöldum.

Helstu verkefni skóla á einstökum stigum

Óvissustig

Unnið að gerð viðbúnaðaráætlunar. Skólarnir upplýsa starfsfólk, nemendur og aðstandendur þeirra og aðra hagsmunaaðila um undirbúning og viðbrögð komi til hættu- eða neyðarástands.

Hættustig

Stjórnendur hvers skóla stýra starfsmönnum til þeirra verkefna sem lýst er í viðbragðsáætlun skólans um skólahald á hættustigi.

Neyðarstig (e.t.v. samkomubann)

Stjórnendur hvers skóla stýra starfsmönnum til þeirra verkefna sem lýst er í viðbragðsáætlun skólans um starfsemi hans á neyðarstigi. Komi til samkomubanns verður skólum lokað á tilteknu svæði eða landinu öllu.

5. Stjórnun og lykilstarfsmenn skólans

Verkefni skóla:

Leikskólastjóri stjórnar og ber ábyrgð á daglegri starfsemi skólans. Sér um miðlun upplýsinga til deildarstjóra og rekstraraðila og hefur eftirlit með húsnæði. Ber ábyrgð á að unnið sé samkvæmt aðalnámskrá leikskóla og skipurleggur faglegt starf í samráði við starfsfólk.

Aðstoðarleikskólastjóri er aðstoðarmaður leikskólastjóra og staðgengill í fjarveru hans.

Deildarstjórar bera ábyrgð á stjórnun, skipulagningu og framkvæmd á starfi deilda. Annast daglega verkstjórn og bera ábyrgð á miðlun upplýsinga. Taka þátt í gerð skólanámskrár, ársáætlun og mati á starfsemi skólans í samvinnu við leikskólastjóra.

Sérkennslustjóri er faglegur umsjónarmaður sérkennslu, annast frumgreiningu og ráðgjöf til annarra starfsmanna skólans. Ber ábyrgð á og stjórnar skipulagningu og endurmati sérkennslunnar í leikskólanum ásamt leikskólastjóra.

Matráður hefur yfirumsjón með starfi eldhússins, innkaupum, matseðlagerð og framreiðslu á morgunverði, hádegisverði og síðdegishressingu. Lögð er áhersla á hollustu og gæði.

Leikskólastjóri er Guðrún Brynjólfsdóttir, netfang: joninab@leikskolarnir.is

Staðgengill leikskólastjóra og deildarstjóri á Fiðrildadeild er Ragnheiður Sívertsen, netfang: ragnheidurs@leikskolarnir.is

Deildarstjóri á Bangsadeild er Margrét Anna Magnúsdóttir, netfang: margretanna@leikskolarnir.is

Sérkennslustjóri er Sigrún Inga Reynisdóttir, netfang: serkennsla-sh@leikskolarnir.is


6. Starfssvæði skólans og umfang

Húsnæði: Leikskólinn Sunnuhvoll stendur við Vífilstaðaveg í Garðabæ. Ekið er eftir Vífilstaðavegi og ekið í átt að Vífilstaðspítala. Beygt er til hægri við afleggjarann að spítalanum. Leikskólinn er frístandandi hvítt hús með rauði þaki.

Sunnuhvoll er tveggja deilda leikskóli, gengið er inn á deildarnar frá leiksvæðinu, hliðið inn í garðinn er við enda hússins. Aðalinnangangur/starfsmannainngangur er á norðurhlið hússins sem snýr að bílastæðinu.

Umfang: Í Sunnuhvoli eru 27 nemendur á aldrinum eins til tveggja og 12 starfsmenn.

Leikskólinn Sunnuhvoll við Vífilstaðaveg



7. Áhættumat vegna heimsfaraldurs

Líkur á að hingað berist alvarlegur smitsjúkdómur eru töluverðar enda eru ferðalög til og frá Íslandi tíð. Fyrirfram er ekki hægt að fullyrða neitt um hversu skæður slíkur faraldur verður. Áhættumatið mótast meðal annars af alvarleika veikindanna, hversu móttækilegt fólk í samfélaginu er fyrir sýkingunni, getu veirunnar til að smita og hverjir áhættuhóparnir eru.

Áhættumat fyrir Ísland

Viðbragðsáætlanir hér á landi miða að því að tefja útbreiðslu faraldurs og draga úr alvarlegum afleiðingum hans en óvíst er hvort alveg verði hægt að koma í veg fyrir útbreiðslu nýs smitsjúkdóms hér á landi. Áætlað er að samhæfðar viðbragðsáætlanir fækki sjúkdómstilfellum og dragi úr alvarlegum afleiðingum faraldursins. Þrátt fyrir að öllum tiltækum ráðstöfunum verði beitt má alltaf búast við ófyrirséðum afleiðingum. Almennt gerir þessi áætlun vegna heimsfaraldurs ráð fyrir að 25-50% þjóðarinnar sýkist þrátt fyrir sértækar sóttvarnaráðstafanir og að atvinnulíf lamist að hluta í tvær vikur til þrjá mánuði.

Í heimsfaraldri gerir sóttvarnalæknir áhættumat og endurtekur það svo oft sem þurfa þykir.

Áhættumatið er byggt á gögnum frá ECDC, WHO og gangi faraldurs hér á landi.

Áhættumatið er birt í upphafi hvers stöðufundar með viðbragðsaðilum og farið yfir mögulegar mótvægisáðgerðir. Endurtekið áhættumat er birt í hverri stöðuskýrslu.

Líklegt er að um nokkrar fjarvistir starfsmanna verði að ræða í faraldri. Fjöldi fjarvista er háður því hversu alvarlegur faraldurinn verður og einnig hver viðbrögð almennings verða. Fjarvistir starfsmanna geta stafað af mismunandi ástæðum, til dæmis vegna:

- smits af veirunni
- annarra veikinda
- annarra fjölskyldumeðlima sem þarf að hugsa um, vegna veikinda eða lokun leikskóla og skóla
- beiðna vinnuveitanda um að halda sig fjarri vinnustað og vinna heiman frá sér
- beiðna heilbrigðisyfirvalda um heft ferðafrelsi eða samkomubann
- raskana á almenningsgöngum eða ótta starfsmanna við að ferðast innan um hóp fólks
- ótta starfsmanna við að smitast ef þeir mæta til vinnu.

Það er ekki hægt að spá fyrir með vissu hverjar fjarvistir á vinnustöðvum verða. Það veltur m.a. á því um hversu skæða farsótt er að ræða, hvernig starfsmenn meta hættuna, hvort skólum er lokað og til hvaða ráða er tekið í viðbrögðum vinnustaða í þeim tilgangi að minnka líkur á fjarvistum og smiti innan vinnustaðarins.

8. Viðbragðsáætlun Sunnuhvols við heimsfaraldri

Leikskólastjóri/aðstoðarleikskólastjóri annast verkefnisstjórn við gerð, uppfærslu og virkjun viðbragðsáætlunar leikskólans.

Leikskólinn er fyrsta skólastig í skólakerfinu og er fyrir börn undir skólaskyldualdri. Leikskólinn annast að ósk foreldra uppeldi, umönnun og menntun barna á leikskólaaldri. Í leikskólum er hagur og velferð barna hafður að leiðarljósi í öllu starfi. Þar er þeim búið hollt uppeldisumhverfi og örugg náms- og leikskilyrði.

Leikskólar í Garðabæ eiga að haldast opnir á öllum háskastigum og þar á að fara fram grunnstarfsemi svo sem matartímar, hvíld, útvera og frjáls leikur ásamt daglegri umönnun undir handleiðslu fagfólks.

Framkvæmdir / aðgerðir á háskastigum

Nr.	Neyðarstig	Verkpáttur	Framkvæmd
1	Flensufaraldur er hafinn, framkvæmd viðbragðsáætlunar.	Prep 1 <ul style="list-style-type: none">Óbreytt starfsemiSóttvarnir eflarAukin fræðslaUpplýsingaflæði eft.Fylgst náið með fjarvistumSamskiptaleiðir yfirfarnarFyrirmælum sóttvarnalæknis fylgt	<ul style="list-style-type: none">Leikskólastjóri eða staðgengill hans sér um að upplýsa starfsfólk og foreldra um viðbragðsáætlun leikskólansStarfsfólk er upplýst um að flensufaraldur sé hafinn og upplýst um sóttvarnir svo sem handþvott og sprittÞegar fyrsta tilfelli kemur upp meðal starfsfólks eða barna eru foreldrar upplýstir í tölvupósti um að veirufaraldur er hafinn og bent á fræðsluefni á síðu Landlæknis, http://www.landlaeknir.isLeikskólastjóri upplýsir ræstingarverktaka um að veirufaraldur er hafinn og bent á viðbrögð samkvæmt áætlunBréfpurrkur/þvottastykki eru notaðar í stað handklæða.Tilkynning sett á heimasíðu leikskólans og í anddyri hvers deildar um að flensa sé meðal starfsfólks eða barnaForeldrar eru upplýstir um að til skerðingar á vistun geti komið ef að flensan magnast og þeim kynnt áætlun þar umLeikskólastjóri sér til þess að foreldrar og starfsfólk með

			<p>annað móðurmál en íslensku séu einnig upplýstir</p> <ol style="list-style-type: none"> 1. Stuðst er við veikinda afleysingu vegna forfalla 2. Hagrætt er milli deilda, starfsfólk/börn flutt á milli 3. Sérkennslustjóri sinnir sérkennslu inni á deild með hóp 4. Hagræðing á undirbúningstímum 5. Leikskólastjóri leysir af.
--	--	--	--

2		<p>Prep 2</p> <ul style="list-style-type: none"> • Aukin tíðni veikinda • Möguleg breyting á starfsemi • Fyrimælum sóttvarnalæknis fylgt. 	<p>25% - 50% forföll starfsfólks.</p> <p>Reiknað með a.m.k. 25% forföllum barna samhliða.</p> <ul style="list-style-type: none"> • Grunnstarfsemi haldið úti, svo sem matartímar, útivera, hvíld og frjáls leikur ásamt daglegri umönnun. • Miðað er við 8 barngildi á hvern starfsmann. • Foreldrar hvattir til að koma seint og sækja snemma • Deildarstjórar tilkynna foreldrum forföll starfsfólks daglega þegar börn koma í leikskólann • Leikskólastjóri sér til þess að foreldrar og starfsfólk með annað móðurmál en íslensku séu einnig upplýstir. <p>Reiknað með litlum forföllum barna samhliða forföllum starfsfólks</p> <ul style="list-style-type: none"> • Grunnstarfsemi haldið úti, svo sem matartímar, útivera, hvíld og frjáls leikur ásamt daglegri umönnun. • Miðað er við 4 barngildi á hvern starfsmann. • Leikskólastjóri sér til þess að foreldrar með annað móðurmál en íslensku séu sérstaklega upplýstir
----------	--	---	---

			<ul style="list-style-type: none"> Tilkynning sett á heimasíðu leikskólans og í anddyri hve­rrar deildar þar sem upplýst er um hvernig staðið er að því þegar vísa þarf börnum frá <ol style="list-style-type: none"> Bréf sent til foreldra þar sem þeir eru hvattir til að koma seint og sækja snemma og halda börnum heima ef þess er kostur Börnum vísað frá af báðum deildum: eftir aldri yngsti árgangur fyrst og eftir stafrófsröð. Leikskólastjóri hringir í foreldra daglega eftir lista
3		þrep 3	
		<ul style="list-style-type: none"> Veruleg breyting á starfsemi Lokun eða aðgerðaráætlun um órofna starfsemi fer í gang Fylgt fyrirmælum sóttvarnarlæknis. 	<p>50% forföll starfsfólks eða meira. Reiknað með forföllum barna samhliða.</p> <ul style="list-style-type: none"> Miðað er við 8 barngildi á hvern starfsmann. Grunnstarfssemi haldið úti, svo sem matartímar, útivera, hvíld og frjáls leikur sem og dagleg umönnun Leikskólastjóri sér til þess að foreldrar og starfsfólk með annað móðurmál en íslensku séu upplýstir Tilkynning sett á heimasíðu leikskólans og í anddyri hve­rrar deildar þar sem upplýst er um hvernig staðið er að því að vísa börnum frá. <ol style="list-style-type: none"> Bréf sent til foreldra þar sem þeir eru hvattir til að koma seint og sækja snemma og halda börnum heima ef þess er kostur. Börnum vísað frá af báðum deildum: eftir aldri, yngsti árgangurinn fyrst eftir stafrófsröð. Leikskólastjóri hringir í foreldra daglega eftir lista.

			<p>Lokun Sunnuhvols</p> <ol style="list-style-type: none"> 1. Ef tilkynning kemur frá sóttvarnalækni/bæjarstjóra. 2. Ef engin leikskólakennari /uppeldismenntaður starfsmaður er í leikskólanum er haft samband við leikskólafulltrúa sem finnur staðgengil leikskólakennara eða fær samþykki fyrir tímabundinni lokun hjá bæjarstjóra.
--	--	--	--

Komi til lokunar skóla, hvernig verður lokun auglýst og aflýst?

Hringt verður og sendur tölvupóstur til foreldra til að tilkynna lokun leikskólans, ef til þess kemur og einnig til að tilkynna að leikskólinn hafi verið opnaður á ný. Leikskólastjóri ber ábyrgð á framkvæmdinni og gefur deildarstjórum fyrirmæli. Deildarstjórar sjá um að hringja í foreldra á sinni deild. Lokun leikskólans verður einnig auglýst við allar inngönguleiðir í leikskólann.

Hvaða boðleiðir til og frá skóla haldast opnar þannig að nauðsynlegt upplýsingastreymi haldist gangandi?

Á heimasíðu Sunnuhvols koma fram upplýsingar er varða lokun eða opnun leikskólans. Leikskólastjóri svarar í síma leikskólans sem er 565-9480, einnig verða foreldrar/forráðamenn upplýstir reglulega um gang mála í gegnum tölvupóst.

Hvernig má halda samstarfi/sambandi við heimili barna?

Samstarfi/sambandi við heimila barnanna verður haldið gangandi í gegnum tölvupóst, einnig í gegnum heimasíðu Sunnuhvols.

Áætlun þessi er að mestu unnin eftir [Viðbragðsáætlun Almanna- og Landlæknisráðs](#) sem er að finna á www.almannavarnir.is og <http://www.landlaeknir.is>

9. Samskiptaleiðir

Lykilaðilar er varðar boðun og afboðun

Virkjun

Bæjarstjóri

Boðun

Ábyrgðaaðili og tengiliðir

Afboðun

Bæjarstjóri

Ábyrgðaraðili:

Eiríkur Björn Björgvinsson, **forstöðumaður fræðslu- og menningarsviðs Garðabæjar**

netfang: eirikurbjorn@gardabaer.is

sími/gsm: 820 8540

Tengiliðir á háskastigi

Halldóra Pétursdóttir, **verkefnastjóri leikskóladeildar**

netfang: halldorapet@gardabaer.is

sími/gsm: 820 8542

nafn: Hulda Hauksdóttir, upplýsingastjóri

netfang: hulda@gardabaer.is

sími/gsm: 820 8527

Tengiliðir í leikskólanum:

Guðrún Brynjólfsdóttir, **leikskólastjóri**

netfang: joninab@leikskolarnir.is

sími/gsm: 565 9480 / 694 9109

Ragnheiður Sívertsen, **Staðgengill leikskólastjóra og deildarstjóri á Fiðrildadeild**

netfang: ragnheidurs@leikskolarnir.is

sími/gsm: 565 9480 / 862-9728

Margrét Anna Magnúsdóttir, **deildarstjóri á Bangsadeild**

netfang: margretanna@leikskolarnir.is

sími/gsm: 565 9480 / 849 3915